







915302—  
—915331 III

Mag. St. Dr.













915311

III

R. P. D.  
**CORTADA**

*Cracovien. Decimarum*

**Super Bono Jure.**

*Lunc 27. Aprilis 1750.*



ETIIT, & obtinuit Matthias Rozanski, quā Pa-  
rochus Ecclesiæ Sanctæ Catharinæ Villæ Wilkovui-  
sko adjudicari sibi in Consistorio Ecclesiastico Cra-  
coviensi jus consequendi Decimas in Manipulis,  
idest in qualibet specie fructuum ex Agris dictæ  
Villæ de directo Dominio Abbatis Ciriciensis Or-  
dinis Cisterciensis, quas idem Abbas, & Conjuges de Pian-  
stunzyski Tenutarii possessores eorumdem Bonorum contē-  
dunt



dunt fore exigendas in quantitate, idest in Florenis sexaginta Polonicae monetae; Sententiam confirmavit A.C. Cincius, decernendo ulterius favore Parochi manutentionem in quasi possessione exigendi decimas in manipulis; Nova itaque Causae notione delata ad Sacrum nostrum Tribunal in vim Rescripti Signaturae Justitiae ita concepti = *Quoad Mandatum de manutenendo alteri cum facultate manutenendi quem de Jure: in reliquis de appellatione* = bina hoc mane exhibui dubia, alterum super manutentione, de quo in contemporanea negotii discussione, & alterum, de quo in praesens, super bono jure, nimirum = *An Decimae de quibus agitur, debeantur in Manipulis, seu potius in pecunia in casu &c.*, quod DD. definierunt respondendo = *Decimas deberi in Manipulis*.

2 Non uno ex fonte profluunt Jura Parochi ad hoc, ut nequeat eidem disputari exactio Decimarum in Manipulis; Ita enim cautum expressè legitur in Jure Canonico per *Text. in Cap. primo. cap. 6.*, & *sequen. cap. 21.*, & *sequen.*, & *cap. 24. de Decimis*, & consentaneè firmat cum aliis, *Rot. decis. 110. num. 2. decis. 125. num. 1.*, & *2. part. 11.*, *decis. 91. num. 1. part. 14. recen.*, in *Cracovien. Decimarum 25. Junii 1706.* §. *Et Decimas*, & in illius confirmatoria 5. Maii 1710. §. *Præsupposita coram bon. mem. Caffarello*, & in alia *Cracovien. Decimarum 26. Februarii 1723. coram bon. mem. Cerro*.

3 Viget conformis in toto Regno Poloniae consuetudo firmata per Sententiam Sigismundi II. I. usque ab anno 1614. relata inter Statuta, & Constitutiones Regni, perque iteratas res judicatas: & observatur praecipuè in Diacesi Cracovien. nedum ex antiquissimo recepto more in Judicio quoque canonizato, verum ex Constitutione non semel in Synodis edita, nempe anno 1381. confirmata à San. Mem. Gregorio XIII., & anno 1628., authorante San. mem. Urbano VIII., ac demum sub annum 1643. in Synodo Provinciali Gnesnensi, quae conformiter ad praelaudatas mox Synodos, pravia discussione, & approbatione Sacrae Congregationis Concilii authorata cum clausula *sublata*, & *Decreto irritanti* à San. Mem. Innocentio X. statuit exactionem Decimarum in Manipulis, & simul comminata pena Excommunicationis vetat recipi ex pacto convento pro Decimis annuam pecuniariam pensionem loco solutionis in specie. His autem rite probatis consequens est denegari non posse Parochiali Ecclesiae Aetrici exactionem Decimarum in Manipulis, per ea, quae in proposito dixit *Rot. in cit. decis. 125. num. 11. part. 11.*, *decis. 91. num. 1. par. 14. recen.*, in *Varsavien. Decimarum 1. Julii 1715.* §. *Nec pro*



34.  
*titulo coram bon. mem. Foscaro, & in Cracovien. Decimarum 26. Junii 1747. §. 2. coram R. P. D. meo Clemente.*

4 Tantoque firmitus, quia non dubitatur, attributam Parochiali huic Ecclesiae fuisse in fundatione Dotem in Decimis Manipularibus, nedum in universum ex omnibus Prædiis intra Parociae fines juxta immotum documentum Libri Retaxationum, & Beneficiatorum, cui plenè semper detulit Sac. Auditorium, signanter *in recen. decis. 664. num. 5. part. 18. in dicta Cracovien. Decimarum 26. Februarii 1723. §. Et quidem coram bon. mem. Cerro, & in Cracovien. Decimarum 26. Junii 1747. §. 3. & 4. coram R. P. D. meo Clemente, & in Cracovien. Decimarum 6. Martii proximè præteriti §. Vix autem coram Me;* Verum præterea ex Agris, de quibus disceptatur, veluti probant actus Visitationum anni 1592., & 1664., quibus non convenit, fidem abnuere *Rot. in Cracovien. Decimarum 15. Martii 1651. inter impressas coram Eich. decis. 463. num. 4., & 5., & in d. Varsavien. Decimarum 1. Julii 1715. §. Sed insuper coram bo. me. Foscaro.*

5 Planè adversus debitam ex tot Juris communis, & particularis fundamentis Parocho solutionem Decimarum in qualibet fructuum specie inutiliter obiciebatur consuetudo, sive præscriptio, vicujus excipiebat Abbas Ciriciensis, fuisse inductum, ut decimas pensitet per se, vel per Conductores, aut Tenutarios bonorum, de quibus agitur, in pecunia, sive in annuis Florenis sexaginta; Etenim nec ex Testibus, neque ex datis acceptilationum Syngraphis evineebatur opposita consuetudo, vel præscriptio, quæ de cætero suaderi rigide debet eo ipso, quod pro exactione Decimarum in Manipulis assistit Parocho censura Juris, & simul quoque observantia tum universalis totius Regni, tum particularis Diocesis Cracoviensis constabilita per res judicatas, nominatimque vigore memoratæ Regiæ Sententiæ inter Regni Statuta recollectæ derogantis expressè cuicumque longissimi temporis præscriptioni, nec non dispositio Synodalis annorum 1381. 1628., & ultima de anno 1643. confirmata in forma specifica sub munimine clausulæ *sublata, & Decreto irritanti* auctoritate Apostolica prohibens sub pena Excommunicationis, ne solutionem Decimarum in hac Provincia tam laudabiliter observatam commutare præsumant in pecuniariam pensionem.

6 In hac enim facti specie non recipitur consuetudo, & præscriptio in contrarium, veluti de consuetudine, & præscriptione adversativa Sanctioni Apostolicæ roboratæ clausula *sublata, & decreto irritanti* monet *Rot. decis. 39. num. 13., & 14. coram Ottobon., & in Hyspalen. Jurisdicendi in Synodo 20.*



*Junii 1697. §. Post breve coram bon. mem. Muto, & vel maxime, dum non convincatur inducta per actus canonizatos non semel in contradictorio Judicio juxta indolem consuetudinis, sive præscriptionis contrariæ dispositioni Juris communis aut Statutorum, Bald. conf. 275. num. 3. in fin. ; Bero conf. 162. num. 5. lib. 3. ; Rot. decis. 125. num. 10. part. 11. nec ; decis. 91. num. 7. part. 14. ; in Cracovien. Decimarum 5. Junii 1683. §. Non adversantur coram bon. mem. Paulutio, in Anconitana restitutionis Dotis 14. Maii 1728. §. Quod verò, & seqq. coram bon. mem. Nunez, & in mox allegat. alta Cracovien. Decimarum 26. Junii 1747. §. 7. coram R. P. D. meo Clemente.*

7 Irrito aliunde tamen conatu proponebatur consuetudo, sive præscriptio immemorabilis insinuata ex ore quatuor Testium afferentium vidisse se, atque à suis etiam majoribus semper audivisse factam perpetuam prædisputatis decimis solutionem in annuis florenis 60. ; Nil quippe idem minus, quam prætentam immemorabilem concludunt, dum præmissis, quod Testes inducti ad hunc effectum carere debent omni exceptione, ad tradita per *Ansaldo. in Adden. ad decis. 78. num. 77. ; & passim alibi, tales dici nequeunt Testes allati, quoniam apparent expiscati pendente lite, & omnes comperiuntur addicti servitio Monasterij Ciriciensis, eorumque ulterius depositiones fuerunt serò nimis productæ, in quarum occursum circumstantiarum emicat, unde quaque juridica contra Depo- nentes, & depositiones exceptio, prout observat promiscuè Rota in Recent. decis. 772. num. 3. part. 2. ; decis. 243. nu. 3. part. 3. ; decis. 297. num. 21. part. 19. ; coram Falconer. dec. 6. num. 11. de Testam. ; & cum aliis in Romana Salarij 14. Junij 1748. §. Fin. cor. me.*

8 Accedit, fuisse examen Testium receptum à Monacho Collitigantis Cænobij, cujus nec etiam ullo Documento probantur legales pro obeundo notariatu facultates, veluti necesse cæteroquin foret juxta præscriptum juris, & stylum Curie *Alex. conf. 112. sub num. 1. lib. 4. ; Boer. decis. 36. num. 7. & 10. & Rot. decis. 703. num. 4. part. 2. Recent. nec, si jure examen recipere licuisset tamquam Notario, ritè examinati Testes censerentur favore ipsius Monasterij, Rota in Recent. decis. 705. num. 4. part. 2. ; & decis. 1677. numer. 3. in fin. coram Scraphin. ; Rejecto autem Testium examine, frustra ipsi assumuntur ad comprobendam immemorabilem *Adden. ad decis. 78. coram Ansaldo. numer. 70. ; Rota in Recent. decis. 334. num. 23. part. 13. ; & decis. 224. num. 13. part. 17. ; & alibi frequenter.**

9 At fortius aliena à Scopo sunt dicta Testium, quippè non coarctant



35.

Ant negativam solutionis decimarum in manipulis, dum unice asserunt, se non vidisse, neque audivisse, quod Piebani exegerint Decimam manipularem, & quidem sine ulla scientia Causa, quando cum necessaria Causa scientia, ad *Text. in Cap. super litter. de Testib. Rot. decis. 1271. nu. 17. coram Lancett.*, debebat concludi, non potuisse Decimas solvi alio modo, & forma, præterquam in pecunia, quin ipsis innotesceret, *Rot. decis. 116. num. 6., & sequent. part. 9., decis. 208. num. 13. part. 12., decis. 395. num. 2. part. 17. Recent.*, & in *Toletana Decimarum super bono jure 26. Junij 1722. §. Cum autem, & seqq. coram bon. mem. Cerro, & in ejus Confirmatoria 16. Januarij 1723. §. Sed in universum coram eodem.*

10 Immo nec affirmativam præstationem Decimarum in pecunia, referunt ita, ut testentur, se vidisse per 40. annos receptas annuatim sine contradictione solutiones in summa florenorum 60., & audivisse id ipsum à suis Majoribus, absque eo quod iidem, aut majores viderint unquam, vel audiverint fuisse præstas modo, & forma contraria, quemadmodum juxta famigerat. *glos. in Cap. 1. de pr. script. in 6. oportet concludi per Testes immemorabilem, & adhæsiuè notat Rot. in Recent. decis. 432. num. 4. part. 3., decis. 512. numer. 1. part. 5., decis. 143. num. 6. coram Eminentissimo Tanario, & in laudata Toletana Decimarum super Bono jure 26. Junij 1722., & confirmatoria 16. Januarij 1723. in cit. §§. coram bon. me. Cerro.*

11 Re autem vera non in sola omissione formæ coarctandi negativam, & in defectu Causæ scientiæ, ac in reticentia circumstantiæ, quod nec ipsi, neque majores viderint, aut audiverint fuisse solutas Decimas in manipulis consistit vitium probationis immemorabilis: sed occurrit ulterius non potuisse Testes hanc deponendi normam servare eo ipso, quod cum Synodus Provincialis Gnesnensis habita Anno 1643. jussit retineri laudabilem observantiam præstandi decimas in specie, vetando idcirco sub poena excommunicationis commutationem solutionis in pecuniariam annuam pensionem, cujus providæ Synodali sanctioni accessit robur confirmationis Apostolicæ impertitæ cum clausula *sublata, ac Decreto irritanti*, magis est, ut inde inferatur, Parochum, se conformando hujusmodi poenali sanctioni, exegisse Decimas controversas in manipulis, maximè quia acta subindè visitatio Anni 1664. narrat, quod Ecclesia Parochialis Sanctæ Catharinæ = *habet decimam manipularem in Villa VVilkovvsko post Agros prædiales Domini Abbatis Ciriciensis*: quapropter stante præsumptione exactionis Decimarum in manipulis post



editam Constitutionem Synodalem, eaque positivè quoque probata ex visitatione Anni 1664., procul arcetur unum ex requisitis consuetudinis, sive præscriptionis immemorabilis, quod nimirum nullus contigerit actus contrarius, & per consequens huc quoque respectu decidit ass. immemorabilis, cum ad illam destruendam sufficiat rumor in oppositum, *Rot. in Recent. decis. 254. num. 1., & 2. part. 1., decis. 865. numer. 16. coram Molin., decis. 85. num. 7. coram Eminentissimo Tanario, & alibi.*

- 12 Allegatam ex depositione Testium immemorabilem consuetudinem, sive præscriptionem nec pariter convincebat longa series Apocarum ab Anno scilicet 1631. ad usque Annum 1747. continentium acceptilationem Parochorum pro satisfactione Decimarum in annua pensione florenorum 60., quandoquidem pro rejectione immemorabilis relativè ad dictas quietantias, ultra mox animadversam circumstantiam, quod intermedio saltem Anno 1664. probatur solutio in manipulis juxta acta Visitationis: Occurrebat in facto, eas non afferri per continuatum, ac numquam interruptum Ordinem annorum consequentium, sive attendantur singulæ de recepto antè initium labentis sæculi, sive aliæ subinde ad usque Annum 1747., & per consequens, remota simili actuum continuatione, efformari nequit immemorabilis, sicut neque centenaria consuetudo, vel præscriptio *ad Textum in leg. 1. §. Julianus ff. de itiner., actusque privat. Paris. cons. 27. numer. 150. vol. 1., & cons. 37. numer. 13. vol. 4., Rot. scaped. decis. 91. sub num. 9. vers. continua possessio numer. 14., & decis. 238. num. 12. part. 18. recent., & in Cracovien. Decimarum 27. Junij 1749. §. 8. coram R.P.D. de Canilliac.*
- 13 Pro eo namque, quod respicit Apocas solutionum vetustiores, non ambigitur exhibitas ab Abbate fuisse in præcedentibus Causæ instantiis tales, quæ incipientes sub Annum 1631. desinunt ad Annum 1635., nec nisi per saltum ad Annum 1688. ulla ab inde citra quietantia tunc innotuit cum novæ successivè interruptione duorum annorum post Annum 1693.; neque dissimiles actuum interpolationes contigerunt in decursu labentis sæculi, quippè post Annum 1705. nullibi usque ad 1712. emicat, Parochum accepisse pro disputatis decimis pensionem in pecunia, & quamvis subindè aliæ exhibeantur quietantiæ, attamen non controvertitur illarum deficientia post Annum 1730. ad 1736. Ex saltuaria itaque ad oculum comperta solutione Decimarum in quantitate apparet deficere seriem actuum per continuatam temporis centenariam.
- 14 Implere quin licuerit vacuum tot annorum intercapedinem replicatione, quod nempe ex aliis nunc primum datis Apocis pro-



probatur consimilis solutio in pecunia relativè ad ceteros annos, & quod de continuata per singulos annos pensitatione, in florenis 60. deponant Testes, ac denique ex eo, quod per hujusmodi solutiones probatas tam pro tempore anteriori, quam posteriori admitti debeat vehemens præsumptio, fuisse Decimas intermedio etiam tempore solutas eodem modo, & forma.

- 15 Momentum siquidem nulla ex parte habuit replicatio: Quo enim ad quietantias novissimè exhibitas obstitit primò, eis gravi laborare suspicione, attenta serotina productione in tertia instantia, & simul jure de illegalitate redargui, tum quia fuerunt extractæ, & exemplatæ sine prævia Collitigantis interpellatione, & à Notario, qui talis non docetur, juxta allegata *superiori* §. *Accedit*; Notabatur deindè, quod neque ex istis novissimè proditis quietantiis resultat continuata per singulos annos pensitatio Decimarum in pecunia, adeoque subsistit adhuc nihilominus pro rejectione immemorabilis, & centenariæ exceptio interruptionis in pluribus interpolatis annis, quibus proinde valet sustineri exegisse Parochos Decimas in manipulis, quæ sola possibilitas est satis ad intentum, cum solutioni in manipulis assistat expressa Juris Canonici providentia, famulativa Juri communi observantia in Regno Poloniæ, & in Diocesi Cracovien. in vim rerum quoque judicatarum, & quod magis est, ultra alias præcedentes, Constitutio Synodalis anni 1643. munita specifica Apostolicæ Sedis confirmatione cum clausula = *sublata*, & *decreto irritanti*, ad cujus præscriptum non potuit sine incurfu in Excommunicationis poenam subrogari in locum Decimæ Manipularis pensitatio in pecunia; eaque propter in concursu tam validæ Juris assistentiæ, pro necessaria etiam exactione Decimarum in specie concluditur, quod Parochi Manipulos re ipsa acceperint pro Decimis, quoties procul ab omni exceptione non doceatur de solutione in quantitate, ad *Text. in leg. Quoties de reb. dub. leg. Merito ff. pro Socio, Menoch. de præsumpt. 17. num. 6., Rot. decis. 1189. num. 5. eorum Lancel.*

- 16 Inspecta potissimum malignante præscriptionis natura, quæ veluti odiosa educi necessario debet ab actibus univocis continuatis, nec umquàm interruptis *leg. 1. §. Julianus ff. de itinere actûque privato*, ubi *Bartol. in §. Si quis hoc interdixit, cap. cum olim*, ubi *Abb. de præscript.*, *Rot. decis. 91. sub num. 9. vers. Continua possessio*, & *decis. 238. num. 12. par. 18. recent.*, & *in Cracovien. Decimarum 27. Junii 1749. §. 8. coram R. P. D. meo Canilliac*, ejusque vis, & potentia non ultra excurrit nisi quousque fuerit actu comprehensum.

*Bald.*



*Bald. in leg. final. num. 8. vers. Unum aliud Cod. commun. utriusque Jud. , Jason. in leg. 3. §. 1. num. 25. , & 37. ff. de acquir. possess. , Rot. decis. 265. num. 34. par. 5. , & dec. 20. num. 9. , & 10. par. 3. recent. ; imò cum relatæ solutiones Decimarum in pecunia legantur aliquando acceptæ juxta temporum vicissitudines , & Parochorum egestatem , & quandoquæ præservent decimam manipulearem cum expressione = pro Decima manipulari = ad notata per Rot. decis. 223. num. 8. par. 11. Recent. ; Nil magis est , quam , ut exinde arguatur , contigisse præstationes Decimarum manipulareum in pecunia , quia ita libuit Parochis pro tempore ; Ad idque stante qualitate actuum facultativa nequirit in ipsis radicari consuetudo , & præscriptio , nisi doceatur fuisse Parochios ad id compulsos Judicis imperio , ac diù acquiescisse , Rot. coram Seraphin. decis. 1202. num. 8. , in recent. decis. 1108. num. 5. , & decis. 125. num. 9. , & seq. par. 11. , coram Bich. decis. 563. num. 6. , & seq. , in Cracovien. Decimarum 5. Julii 1683. §. Non adversantur coram Paulutio , in Varsavien. Decimarum 3. Julii 1715. coram Foscaro , & in alia Cracovien. Decimarum super bono jure 26. Junii 1747. §. 7. coram R. P. D. Clemente .*

17 Valet autem perpensa ratio , ut rejiciantur omninò cumulata Testium depositiones , & præsumptio solutionis pecuniariæ correlative ad annualitates , pro quibus non afferuntur Apocæ quietantiæ , deducta ex probata respectu temporis anterioris , & posterioris solutione in pecunia ; Etenim cum exceptiones Testes patiantur animadversas §. Irrito aliunde conatu , neque per eorum dictum excludatur , fuisse possibilem præstationem Decimarum in Manipulis ; retinenda venit conformis tot titulis præsumptio circa exactionem manipulearem , cui cedere præsumptioni debet altera inopportunè in themate proposita : Maximè , quia relative ad annum 1664. habetur ex actis Visitationis Ecclesiæ Parochialis , præstiri eidem Decimas in Manipulis ex Bonis , de quibus agitur , & quidem pro Dote assignata Parocho in fundatione Parochialis , id , quod submovet positivè contrariam præsumptionem , & efficacem tribuit vigorem oppositæ præsumptioni solutionis in manipulis quoad annualitates destitutas exhibitione Apocarum quietantiæ , Rot. dec. 112. num. 36. par. 14. rec. , dec. 974. n. 20. coram Dunozzet. Jun. , decis. 466. num. 5. , & 6. cor. Royas , & dec. 1069. num. 37. cor. Molin.

18 Destitutus Abbas præsidio immemorabilis , & centenariæ consuetudinis , sive præscriptionis , juvari non poterat diffugio ad quadragenariam . Cujus examen , licet aliqui ex DD. superfluum in facto censuerint , quia nullus superaccedit concomitatus titulus saltem coloratus , sine quo nil quadragenariam



nam in jure prodelle judicant ad effectum Parocho adimendi commodum exactionis Decimarum juxta formam, & modum tot ex juribus statutum, *Rot. decis. 563. num. 8. coram Bie. ; in Varsavien. Decimarum prima Julii 1715 §. Atque hinc coram bon. mem. Foscaro, in Tricaricen. Decimarum 27. Junii 1736. §. 8. ; & in confirmatoria 10. Decembris ejusdem anni §. Haud relevante in fine coram Eminentissimo Crescentio, & in eadem Causa 26. Junii 1737. §. Altera coram Eminentissimo Tanario inter ejus impressas dec. 85. num. 9. ; & 10.*

- 19 Multo puc minus è conspectu malæ fidei derivatæ in Reos conventos ex laudatis Synodorum Constitutionibus prohibentibus commutationem Decimarum Manipularium in præstationes quantitativas, & sanè adjecta excommunicationis poena, & auctoritate Apostolica impertita cum clausula = *sublata, & decreto irritanti*, qua in hypothesi manifesto emicat vitium malæ fidei *Tusch. var. conclus. lit. C. conclus. 795. num. 3. 5. ; & 6. ; Rota dicta decis. 91. num. 10. par. 11. rec. ; in Cracovien. Decimarum 22. Februarii 1712. §. Corruentibus coram Scotto, & in alia super bono jure 26. Junii 1747. sub §. 7. coram R. P. D. Clemente, & radicitus inficitur subsequens consuetudo, & præscriptio tamquam illicita ab actibus quos non licuit exercere absque incurso in poenam excommunicationis ad Text. in cap. final. de consuetud., ubi Gloss. in verbo diutius, & in cap. ex parte eadem tit., Gemin. cons. 63. num. 18. ; Calterin. cons. 42. in fin., & consil. 386. alias 1. de regul., Adden. ad decis. 6. num. 104. par. 5. ; Rot. decis. 71. num. 8. dicta par. 5. rec., attenta potissimum prædicta clausula sublata, & decreto irritanti, ut præter allegatos in superiori §. In hac enim, individualiter dixit Rot. in Cracovien. Decimarum 25. Junii 1706. §. Haud obstante, & 15. Maji 1710. §. Atque hinc coram bon. me. Caffarello, in Varsavien. Decimarum 1. Julii 1715. §. Atque hinc, & §. final. coram Foscaro, in alia Cracovien. Decimarum 26. Junii 1747. §. 7. in fin. coram R. P. D. Clemente, & in alia simili Cracovien. Decimarum 17. Junii 1749. §§. 7. & 9. cor. R. P. D. meo Canilliac.*

- 20 Causa tamen nulla erat ambigendi, allegari revera in facto non posse quadragenariam quasi possessionem continuatam solvendi decimas in certa annua summa pecuniaria florenorum 60., adhibita namque inspectione Apocarum solutionum interpolata adeò detecta est series annualitatum, quarum præstatio contendebatur facta in pecunia, juxta exhibitas acceptilationum Schedulas, ut ab anno 1631. per successive temporis huc usque decursum jungi nequierint conti-

nua-



nuato annualitatum ordine solutiones hujusmodi per non interruptam consequentem seriem quadraginta annorum, veluti necesse de jure est ad implorandum beneficium quadragenaria in odiosa facti specie, per vulgatas doctrinas, de quibus *superiori §. Re autem vera, & seq.*  
 Et ita omissis cæteris levioris momenti utraque &c.

## Eadem coram Eodem.

### Super Manutentione.

Luna 27. Aprilis 1750.

1



IN Contradicto superiori instantia judicio præstationis Decimarum, quas Matthias Rozanski Parochus Ecclesiæ Sanctæ Catharinæ Villæ Vvilkovisko tuetur, fore sibi solvendas in manipulis, sive in specie fructuum ex Agris obnoxiiis in dicta Villa Dominio directo Monasterii, sive Abbatis Ciriciensis, pronuntiavit A. C. Cincius, immerito bonum jus Parocho contraverti ab Abbate Ciriciensi, & litis consortibus Conjugibus de Pianstunzyski Tenuariis Possessoribus bonorum, qui offerunt pensitationem Decimarum in pecunia, nempe in annuis Florenis 60. monetæ Polonicae; neque difformiter respondit Sac. Tribunal in contemporanea Dubii exhibitione super bono jure; Amplius verò cum A. C. Manutentionem decreverit eidem Parocho in quasi possessione exigendi disputatas Decimas in manipulis, hinc vigore rescripti Signaturæ Justitiæ delata simul in gradu appellationis cognitione possessorii cum Clausula = *Quoad Mandatum de Manutendo alteri cum facultate manutenendi quem de jure* = rogavi DD. = *An, & cui sit danda Manutentio in casu &c.* = qui non hæsitavit respondere = *Manutentionem esse dandam Parocho.*

2 Perspicua Juris dispositio comperta in contemporanea mea *Decisione*, roborata ab observantia tum generali vigente per totum quæ latè patet Regnum Poloniæ, tum à particulari in Diocesi Cracovien., quam probarunt quoque res judicatæ semel, & iterum desuper emanatæ, accedente in validiorem confirmationem controversi juris iterata Constitutione Synodali, authorantibus Summis Pontificibus sub inserta Clausula = *Sublata, & Decreto irritant* =, non patitur revocari in dubium, quod Parocho Sanctæ Catharinæ præstari debeant Decimæ in Manipulis, quodque proinde non liceat Abbati Ciriciensi, & Tenuariis Possessoribus bonorum de directo dominio Monasterii



sterii existentium in Villa Vvilkovvisko intra fines Eccle-  
siae Parochialis limitare hujusmodi Parochi jus, compel-  
lendo eundem ad exactionem Decimarum in pecunia,  
juxta ea, quæ firmiter expendit contemporanea altera De-  
cisio super bono jure.

- 3 Hinc correspectiva Judicii ratione debuit Parocho adjudicari  
manutentio in quasi possessione consequendi re ipsa in  
manipulis disputatas Decimas, absque eo quod ulla com-  
pellat necessitas inquirendi, num ipsi potius, vel Abbati  
Ciriciensi faveat quasi possessio exigendi in manipulis, sive  
persolvendi respectivè in pecunia; Quoniam vis ea inhæret  
judicio petitorio, ut semel ac inde emicuerit bonum jus  
alterius Collitigantis, isti incunctanter ad dictamen styli,  
& æquitatis Sac. Auditorii adjudicatur in altero simultaneo  
Judicio momentaneo possessorio manutentio, quemadmo-  
dum in specie testantur *decis. 2. num. 1. tit. de Decimis cor.*  
*Falconer.*, & in alia *Cracovien. Decimarum super Manu-*  
*tentione 26. Junii 1747. §. 2. coram R. P. D. meo Cle-*  
*mente.*

Et ita Collitigantibus omnibus auditis.

ROMÆ, MDCCL.

Ex Typographia Rev. Cam. Apostolicæ.

---

*Superiorum permisso.*



...in Villa Villavieja inter fines Ecclie  
...Parochialis limitibus interius Parochi ius compen-  
...cundo eundem ad extensionem Decimarum in pecunia  
...ita ea, quae antea expensis contemporaneis altera De-  
...tunc super bono iure.  
...Hinc correlative iudicium ratione debuit Parochia ad iudicari  
...manente in quali possessione comprehendit re ipsa in  
...manipulis distinctas Decimas, ad quod quod ulla com-  
...pellat necessitas impediendi, cum ipsi potius, vel Abbati  
...Cisterciensis quatuor possit existeret in manipulis, sive  
...petitorum respectu in pecunia; Quoniam vis ea inhaeret  
...iudicio petitorio, ut scilicet ac inde emicent bonum ius  
...alterius Colligantis, illi incumbat ad discedendum illi,  
...repetitis Dec. Auditori ad iudicium in alio simultaneo  
...iudicio momentaneo possessionis manente, quemadmo-  
...dum in specie testatur decis. nam. 1. tit. de Decimis cor.  
...Falsum, & in alia Cracov. Decimarum super Monu-  
...tatione ad. Jani 1747. §. 2. coram R. P. D. meo Cle-  
...mente.

Et ita Colligantibus omnibus auditis.

ROMA, MDCCCL.  
Ex Typographia Rev. Cam. Apostolicae.

Superiorum permissu.



B 6008 5





